



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tribunal Poenitentiæ Sev Libri Dvo Prior De Poenitente Ut  
Reo Posterior De Confessario Ut Judice**

**Stoz, Matthäus**

**Anno M.DC.LXXXIX.**

Actus externi Humilitatis.

**urn:nbn:de:hbz:466:1-37144**

Personas, erga quas quis sentit peculiarem amoris affectum, in sensu fundatum, dextrè relinquere, & cautè cum illis conversari. VI. Ex desiderio castitatis corpus abstinentiā, flagello, cilicio, vel aliis asperitatibus domare. VII. Ipsas etiam remotas cogitationes non admittere, multa celeritate ac diligentia eas statim in capite conterendo: quod rectissimè facillime que sit avertendo mentem ad alia; vel, si fieri potest, etiam sensus externos occupando lectione libri, colloquio, oratione, numeratione rerum ob viarum v.g. rotularum in fenestra. VIII. De persona amata & periculosa nullam penitus, ne honestam quidem cogitationem admittere, ita ut, si fieri possit, etiam memoria illius demum deleatur. IX. Nullum actuum externorum, qui castitati opponuntur, admittere. X. Ne quid ex incauta ignorantia contra castitatem admittatur, sufficientem hujus virtutem & virtui oppositi cognitionem querere: in quo tamen ipso magnâ opus est cautelâ & circumspectione, ne videlicet quisquam addiscat, qua melius ignoraret.

#### *Actus interni castitatis.*

39. Possunt isti hâc vel simili formâ elicî, sive sola mente, sive mente simul & voce. I. Purissime, & amore toto dignissimè DEUS, constituo ab omni delectatione prohibita, speciatim hâc N. abstinere propter te. II. Castissime Fili castissimæ Virginis, da mihi, casto corpore & anima tibi servire: quod opto & oro per immaculatæ Matris tuae merita & intercessionem. III. Amabilissime JESU, pango fædus cum oculis meis, quod rerum corporearum decorum non sim in-

R. P. Stoß Trib. Pænit.

tuiturus: pango fædus cum manibus meis, quod me vel alium non sim indecenter tacturus &c. IV. Suavissime decor animæ meæ, propono firmissimè amore tuâ, me ex rebus corporeis nec tactu, nec auditu, nec visu, nec alio modo (quoad mea fragilitas feret) ullam delectationem percepturum, tuâ adjutus gratiâ. V. Moriar potius Domine, quam ut quidquam dishonestum contra puritatem admittam &c. VI. Per sanctam virginitatem & immaculatam conceptionem tuam, ô purissima Virgo, emunda cor meum, & carnem meam: In nomine Patris †, & Filii, † & Spiritus sancti †, Amen.

Quodsi quis pro materia Examini particularis elegerit Humilitatem, eam in suos actus tum externos, tum internos sic distinguat.

#### *Actus externi Humilitatis.*

40. I. Nihil loqui, quod redundet in propriam laudem, neque se, neque suos jaētare. II. aliquem suorum defectuum in medium proferre, & sua vilipendere. III. Non ostendere ullam excusationem, nec in alios culpam transferre. IV. In functionibus externis, quantum in se est, abjectiores amplecti: item in congressibus locum honoratiorem aliis deferre; iis in omnibus cedere, & cum illis tanquam cum Superioribus agere. V. Cum quis contemnitur, nullum impatientiae aut displicientiae signum verbo factōve ostendere. VI. Nihil facere ob respectus humanos, sed omnia pure & sincerè propter DEUM.

#### *Actus interni Humilitatis.*

41. I. Seipsum agnoscere, & cogitare,

Uu

re,